



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ



28 » 10 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0206-21

Ձեռնարկողը՝

«ԷՆ ԷՌ ԷՄ (ՆԵՅՉՐԼ ՌԻՍՈՐՍ ՄԵՆԵՋՄԵՆԹ)» ՓԲԸ


հասցե՝ ք. Երևան, Մալաթիա-Սեբաստիա, Անդրանիկի փ., 56 շ., բն.10

Գործունեությունը՝

Դասարակերտի պղինձ-մոլիբդենային հանքավայրի պաշարների
վերագնահատման նպատակով երկրաբանական
ուսումնասիրության աշխատանքների շրջակա միջավայրի վրա
ազդեցության նախնական գնահատման հայր

Սյունիքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 02 06 - 2 1

28 > 10 2021թ.

**Սյունիքի մարզի Դաստակերտի պղինձ-մոլիբդենային հանքավայրի
պաշարների վերագնահատման նպատակով երկրաբանական ուսումնասիրության
աշխատանքների շրջակա միջավայրի վրա ազդեցության նախնական գնահատման
հայտ**

Ձեռնարկող՝	«ԷՆ ԷՌ ԷՄ (ՆԵՅՉՐԼ ՌԻՍՈՐՍ ՄԵՆԵՋՄԵՆԹ)» ՓԲԸ
Փաստաթղթի տեսակը՝	Շրջակա միջավայրի վրա ազդեցության
	նախնական գնահատման հայտ /Հայտ/, Ծրագիր
Գործունեությունը՝	«Գ» կատեգորիա
Տեղադրման վայրը՝	Սյունիքի մարզ, Սիսիան համայնք

Ներածական մաս: Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 6-րդ մասի, 2)-րդ կետի ա. ենթակետի՝ Դաստակերտի պղինձ-մոլիբդենային հանքավայրի պաշարների վերագնահատման նպատակով երկրաբանական ուսումնասիրությունը դասակարգվում է որպես «գ» կատեգորիայի գործունեության տեսակ:

«ԷՆ ԷՌ ԷՄ (ՆԵՅՉՐԼ ՌԻՍՈՐՍ ՄԵՆԵՋՄԵՆԹ)» ՓԲ ընկերության /այսուհետ՝ Ընկերություն/ կողմից նախատեսվող երկրաբանական ուսումնասիրության աշխատանքների նպատակն է՝

- Դաստակերտի պղինձ-մոլիբդենային հանքավայրի մասին երկրաբանական տեղեկատվության արժանահավատության գնահատումը,
- հանքավայրի վերաբերյալ լրացուցիչ տեղեկատվության ձեռք բերումը,
- հանքավայրի Կենտրոնական տեղամասը բացահայնելու շահագործելու պարագայում դրա սահմաններում հնարավոր ընդգրկվող Հարավային տեղամասի լրաուսումնասիրություն՝ C₂ կարգի պաշարների հաշվարկն ապահովող մանրակրկտությամբ,
- հանքավայրի երկրաբանատնտեսագիտական վերագնահատում՝ կոնդիցիաների պարամետրերի հիմնավորմամբ և պաշարների հաշվարկմամբ,
- հանքավայրի կոնդիցիաների պարամետրերի և պաշարների հաստատում՝ լիազոր մարմնի կողմից:

Նկարագրական մաս. Դաստակերտի պղինձ-մոլիբդենային հանքավայրը տեղակայված է Զանգեզուրի լեռնաշղթայի հարավ-արևելյան ճյուղավորման՝ Բարգուշատի լեռնաշղթայի հյուսիսային լանջին, ծովի մակերևույթից 2050-2500մ բարձրության վրա: Գեոմորֆոլոգիական տեսակետից շրջանը բարձր լեռնային գոտի է՝ խիստ կտրտված ռելիեֆով, կխորը կիրճերով և գետերով: Մետաղագոյացման առումով Դաստակերտի հանքային դաշտը հարում է Սիսիանի հանքային շրջանի՝ Դաստակերտ-Լեռնաշենի հանքային դաշտի արևմտյան հատվածին: Զրաերկրաբանական տեսանկյունից հանքավայրը կարելի է վերագրել թույլ ջրակալվածների խմբին: Անձրևաջրերը հիմնականում առաջացնում են մակերևույթային հոսքեր:

Նախատեսվող գործունեության տարածքը գտնվում ՀՀ Սյունիքի մարզի Դաստակերտ քաղաքի հարավային մասում, քաղաքից 3 կմ դեպի հարավ ուղղությամբ և



գրադեցնում է 50.0 հա մակերեսով տարածք: Տարածքն իր եզրագծերով ներառում է Դաստակերտի պղինձ-մոլիբդենային հանքավայրի Կենտրոնական և Հարավային տեղամասերը և համադրվում է ՀՀ Սյունիքի մարզի Սիսիան համայնքի Լոր գյուղում գտնվող պետական սեփականություն հանդիսացող գյուղատնտեսական նշանակության արոտավայրի և այլ հողատեսքի հտ, ինչպես նաև ՀՀ Սյունիքի մարզի Սիսիան համայնքի Դաստակերտ քաղաքի հողամասերի հետ: Տարածքում բացակայում են անտառները, տեղ-տեղ արտահայտված է թփուտային, ժայռային և քարացրոնային բուսականությունը: Ոսումնասիրվող տարածքում, կամ մոտակայքում բացակայում են հնագիտական հուշարձանների վերգետնյա շերտերը կամ բնության հատուկ պահպանվող տարածքները: «Զանգեզուր» պետական արգելավայրը ուսումնասիրության տարածքից գտնվում է 3 կմ հեռավորության վրա:

Ընկերության կողմից հայցվող տեղամասի ծայրակետային կոորդինատները ARM WGS-84 համակարգով ներկայացվում են.

1. X=4358594, Y= 8588154

5. X=4357832, Y=8588519

2. X=4358588, Y=8588858

6. X=4357832, Y=8587895

3. X=4358131, Y=8588858

7. X=4358094, Y= 8587895

4. X=4358134, Y=8588519

8. X=4358094, Y=8588194:

Ընկերության կողմից ուսումնասիրության համար հայցվող տարածքում նախատեսվում է իրականացնել.

- հանքավայրի Կենտրոնական տեղամասում վերանմուշարկման աշխատանքներ,

- նոր վերցված նմուշների քիմիական անալիզներ,

- անալիզների արդյունքների համադրում համապատասխան միջակայքերը բնութագրող, նախկինում ստացված նույնանուն տվյալների հետ:

Հորատանցքերի քանակը կազմելու է 13, որից 7-ը կրկնորդ հորատանցքեր են, իսկ 6-ը նոր հորատանցքեր՝ Հարավային տեղամասի 3 հետախուզագծերի վրա: Վերանմուշարկման նպատակով հորատանցքերը հորատվելու են 2006-2012 թթ. վերագնահատման ժամանակ հորատված՝ RC-3, RC-4, RC-5, RC-6, RC-7, RC-8, RC-9 հորատանցքերի հարևանությամբ, որոնցում ապահովվել է հանուկի առնվազն 95% ելք: Նշված հորատանցքերը բնութագրվում են հետևյալ տվյալներով.

Հորատանցքի համարը		Կոորդինատները			Հորատանցքի տրությունը, մ		Ծանոթություն
հին	կրկնորդ	X	Y	Z	ին	կրկնորդ	
1	2	3	4	5	6	7	8
RC-3	RC-3'	8588668	4358246	2199.8	120.0	130.8	Կրկնորդը հորատվելու է մինչև մոտակա բովանցքային հորիզոնը՝ 2069մ
RC-4	RC-4'	8588719	4358241	2223.2	147.7	154.2	
RC-5	RC-5'	8588566	4358259	2189.3	100.3	120.3	
RC-6	RC-6'	8588615	4358265	2186.6	119.4	117.6	
RC-7	RC-7'	8588667	4358292	2216.1	108.0	86.1	Կրկնորդը հորատվելու է մինչև մոտակա բովանցքային հորիզոնը՝ 2130մ
RC-8	RC-8'	8588763	4358224	2241.8	120.0	111.8	
RC-9	RC-9'	8588767	4358275	2256.1	140.0	126.1	
Ընդամենը					855.4	846.9	-

Հորատանցքերի վերջնական տեղադիրքերը կորոշվեն երկրաբանական ուսումնասիրության աշխատանքների մեկնարկից հետո:

Կրկնորդ հորատանցքերի տեղադիրքերն ընտրվել են ստորգետնյա հետախուզական և շահագործական փորվածքների տիրույթում՝ ռելիեֆի փոփոխված (նստած) գոտուց դուրս: Նախատեսվում է քիմիական անալիզների ենթարկել շուրջ 400 շարքային նմուշ: Ուսումնասիրության աշխատանքների ընթացքում պայթեցումներ չեն նախատեսվում:



- Ստորգետնյա հետախուզափորվածքներով բացված հանքամարմինների առանձին միջակայքերում վերանմուշարկման աշխատանքներ չեն իրականացվելու, քանի որ նախկինում արված հետախուզափորվածքները չեն պահպանվել:

Դաստակերտի հանքավայրի պաշարների վերագնահատման համար անհրաժեշտ է իրականացնել նաև հանքավայրի շահագործման լեռնաերկրաբանական, լեռնատեխնիկական և հիդրոերկրաբանական պայմանների, ինչպես նաև հանքաքարի տեխնոլոգիական հատկությունների ժամանակակից մեթոդներով և միջոցներով լրացուցիչ ուսումնասիրություններ, այդ թվում՝

1. Հանքավայրի շահագործման լեռնաերկրաբանական ու լեռնատեխնիկական պայմանների մասով պարզել և ներկայացնել.

- հանքավայրի տարածքի բնութագիրը՝ գեոդինամիկ երևույթների տեսանկյունից,

- հանքավայրի երկրաբանական կառուցվածքին մասնակցող ապարների ֆիզիկա-մեխանիկական ու ֆիզիկատեխնիկական ցուցանիշները,

- կառուցվելիք բացահանքի հանքաստիճանների ու կողերի կայունությունն ապահովող պարամետրերի հիմնավորումները,

2. Հանքավայրի հիդրոերկրաբանական պայմանների մասով պարզել և հիմնավորել.

- հանքավայրի և դրան հարող տարածքներում առկա մակերևութային ջրհոսքերի, ջրամբարների և ջրաղբյուրների, ինչպես նաև ստորգետնյա ջրերի հորիզոնների բնութագրերը,

- դեպի բացահանք հնարավոր ջրհոսքը կանխող և մեղմող, ինչպես նաև բացահանքից ջրհեռացումն ապահովող միջոցառումները,

3. օգտակար հանածոյի տեխնոլոգիական հատկությունների մասով.

- հանքաքարի երեք արդյունաբերական տիպերի (պղնձի, պղինձ-մոլիբդենային և մոլիբդենային) երեքական մեծածավալ (100-150կգ) նմուշներով իրականացնել տեխնոլոգիական հետազոտություններ՝ ֆլոտացիոն խտանյութերի ստացմամբ,

- նշված հետազոտությունների արդյունքներով հանքաքարի յուրաքանչյուր արդյունաբերական տիպի համար բացահայտել հիմնական տեխնոլոգիական ցուցանիշների (համապատասխան խտանյութերի ելքը, օգտակար բաղադրիչների կորզումը, դրանց պարունակությունները խտանյութերում ու հարստացման պոչերում) օգտակար բաղադրիչների պարունակությունները ելակետային հումքում,

- մշակել ու ներկայացնել օգտակար հանածոյի հարստացման սխեման ու տեխնոլոգիական ռեգլամենտը:

Հորատման աշխատանքների արդյունքում դուրս բերված հորատահանուկը դասավորվելու է արկղերի մեջ և անմիջապես տեղափոխվում համապատասխան որակավորում ունեցող և հավատարմագրված՝ «Լեռնամետալուրգիայի ինստիտուտ» ՓԲ ընկերության լաբորատորիա:

Հանքավայրի Հարավային տեղամասի լրաուսումնասիրության նպատակով նախատեսվում է դրա տարածմանը խաչվող ուղղությամբ, միմյանցից 80-90մ հեռավորությամբ ձևավորել 3 հետախուզագիծ՝ յուրաքանչյուրի վրա հորատելով 180-200մ խորությամբ երկուական սյունակային հորատանցք՝ հասցնելով դրանք նույն վայրում նախկինում անցած ստորին բովանցքային հորիզոնի մակարդակին (2125մ): Նշված վեց հորատանցքերի հանրագումարային երկարությունը կկազմի 1100-1200մ: Հանուկից վերցվելու է 600 շարքային նմուշներ՝ քիմիական անալիզների համար: Վերջիններիս տվյալներով կլրացվի տեղամասի վերաբերյալ նախկինում ձևավորված երկրաբանական տեղեկատվությունը, ապահովվելով հաշվարկված պաշարները C_2 կարգին դասակարգելու հնարավորությունը:

Հորատման և նմուշարկման աշխատանքները կազմակերպվելու և իրականացվելու են հանքավայրի Կենտրոնական տեղամասում կատարվելիք աշխատանքների համաձայն-



Երկրաբանական ուսումնասիրության աշխատանքների իրականացման համար նոր մուտքային ճանապարհների կառուցում չի նախատեսվում, վերականգնվելու են նախկինում գոյություն ունեցող ավտոճանապարհները: Բոլոր հորատանցքերը կրկնորդ հորատանցքեր են, ուստի՝ նոր հորատման հրապարակները հիմնականում տեղաբաշխվելու են նախկին հորատման հրապարակների տարածքում: Հորատահրապարակներով խախտվելիք և հետագա վերականգնման ենթակա տարածքների հանրագումարային մակերեսը չի գերազանցի 400 մ² մակերեսը: Վեց նոր հորատանցքերը տեղադրվելու են Կիշկոշտ գետից առնվազն 100 մ հեռավորության վրա:

Հորատման հրապարակների այն հատվածից, որտեղ առկա է վտանգվող է հողի բերրի շերտ, ՀՀ օրենսդրությամբ սահմանված կարգով պետք է հեռացվի և պահեստավորվի: Հորատման հրապարակներից ՀՀ օրենսդրությամբ սահմանված կարգով հեռացվելու և պահեստավորվելու է հողի բերրի շերտը (նախկին հորատման հրապարակների տարածքների մասով՝ դրանց պատշաճ ռեկուլտիվացված լինելու պայմանով)՝ հետագա վերականգնողական աշխատանքների համար օգտագործելու նպատակով: Հեռացման և պահեստավորման ենթակա հողի բերրի շերտի գումարային ծավալը գնահատվել է 160 խմ:

Դաստակերտի պղինձ-մոլիբդենային հանքավայրի երկրաբանական ուսումնասիրության աշխատանքների ընթացքում շրջակա միջավայրի վրա բացասական ազդեցությունները կանխարգելելու և մեղմելու նպատակով մշակվել են միջոցառումներ.

Հողային ռեսուրսների պահպանության նպատակով նախատեսվում է՝

- հորատման հրապարակների այն հատվածում, որտեղ առկա է հողի բերրի շերտ, ՀՀ օրենսդրությամբ սահմանված կարգով հեռացնել և պահեստավորել,

- ջրային և հողմնային հողատարումից զերծ պահելու համար պահեստավորված հողաթմբերը ծածկել տեղանքին բնորոշ խոտաբույսերով,

- աշխատանքների ավարտից հետո խախտված տարածքները և հորատման հրապարակներն բերել նախնական տեսքի՝ իրականացնելով ռեկուլտիվացիա/վերականգնում,

- կենցաղային թափոններով աղտոտումը կանխելու նպատակով սննդի ընդունման, հիգիենայի և աշխատակիցների հանգստյան վայրերում նախատեսել աղբի տարողություններ:

Մթնոլորտային օդի պահպանության նպատակով նախատեսված է՝

- փոշու արտանետումների նվազեցման համար իրականացնել տարածքի ջրցանում,

- հորատման տեխնիկայի և փոխադրամիջոցների պարբերաբար տեխնիկական վիճակի ստուգում և կարգաբերում,

- հորատման աշխատանքներն իրականացնել ժամանակակից հորատման հաստոցներով՝ ջրի օգտագործմամբ,

- բացառել բնական ջրիուքերի հունների փոփոխությունը և դրանց անմիջական հարևանությամբ որևէ հորատման կամ հողային աշխատանքների իրականացումը,

- ապարներով ցամաքուրդային ջրերի աղտոտման ռիսկերը նվազեցնելու նպատակով ապարների ժամանակավոր կույտերի վերին մասերում և առունների երկայնքով կազմակերպել կյուվետներ և շրջանցող ջրիուքեր,

Համաձայն հայտի տեղեկատվության՝ վերականգնվող ճանապարհների և հորատման հրապարակների տարածքում կարմիր գրքային բույսերը և կենդանիներ, կենդանիների միգրացիոն ուղիները բացակայում են: Երկրաբանական ուսումնասիրության աշխատանքների ընթացքում կենսաբազմազանության վրա հնարավոր ազդեցությունները



նվազագույնի հասցնելու նպատակով կարևորվել է ճանապարհներից և հորատման հրապարակներից դուրս փոխադրամիջոցների երթևեկությունը:

Չնայած այն հանգամանքին, որ երկրաբանական ուսումնասիրության համար նախատեսվող տարածքում որևէ պատմության և մշակութային ժառանգության տարրեր չեն հայտնաբերվել, այնուամենայնիվ Ընկերությունը մշակել է միջոցառումներ՝ դրանց պատահաբար հայտնաբերման դեպքում հնարավոր ազդեցության կանխարգելման համար:

Դաստակերտի պղինձ-մոլիբդենային հանքավայրի երկրաբանական ուսումնասիրությունների ողջ ժամանակահատվածի համար Ընկերության կողմից մշակվել է շրջակա միջավայրի կառավարման և մոնիթորինգի ծրագիր: Ընկերության կողմից, ուսումնասիրության աշխատանքներին զուգընթաց իրականացնելու է շրջակա միջավայրի վրա բացասական ազդեցությունների կանխարգելմանն ու մեղմմանն ուղղված մշտադիտարկումներ, որոնք ներառվել են բնապահպանական մշտադիտարկումների պլանում և որպես մշտադիտարկման օբյեկտներ դիտարկվել են՝ մթնոլորտային օդը, հողային ծածկույթը, ջրային ռեսուրսները (Կիշկոշտ գետ), կենսաբանական միջավայրը: Մշտադիտարկումների իրականացման համար տարեկան ծախսերը գնահատվել է 20550 հազ. ՀՀ դրամ:

Երկրաբանական ուսումնասիրության աշխատանքների արդյունքում խախտված տարածքների վերականգնման/ռեկուլտիվացման ծախսերը գնահատվել են 1977 հազ.դրամ և ներառված են նախահաշվում:

Շրջակա միջավայրի բաղադրիչների վրա վնասակար ազդեցությունների կանխարգելման, կամ մեղմացման նպատակով նախատեսված միջոցառումները /ներառյալ՝ երևակման տարածքում աշխատանքային միջավայրի անվտանգության ապահովման և հնարավոր արտակարգ իրավիճակների կանխարգելմանն ուղղված միջոցառումները/ ամփոփվել են բնապահպանական կառավարմաման պլանում:

Եզրափակիչ մաս: Նախատեսվող գործունեության նախնական գնահատման հայտի փորձաքննությունն իրականացվել է <<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի պահանջներով: ՀՀ օրենսդրությամբ սահմանված կարգով, հայտի փորձաքննության փուլում Սիսիան համայնքում իրականացվել է հանրային քննարկում, որին մասնակցել են տեղական ինքնակառավարման մարմինները /Սիսիան համայնքի ղեկավար, Լոր և Դաստակերտ բնակավայրերի վարչական ղեկավարներ/, Սյունիքի մարզպետարանը, շրջակա միջավայրի նախարարության ստորաբաժանումները, արտակարգ իրավիճակների, առողջապահության, ԿԳՄՍ նախարարությունները, կադաստր կոմիտեն, որոնց կողմից ներկայացված կարծիքները հաշվի են առնվել փորձաքննության գործընթացում:

Քննարկման ընթացքում նախնական գնահատման հայտը և ծրագրով նախատեսված ախատանքները ներկայացվել են մասնակիցներին: Մասնակիցների կողմից բարձրացվել են հարցեր, կապված՝ հարակից տարածքներում առկա ջրօգտագործման աղբյուրների պահպանության և դրանց անվտանգ օգտագործման հետ կապված: Ընկերության ներկայացուցիչը հավաստեց, որ Ծրագրով նախատեսված 13 հորատանցքերից 7-ի տեղադիրքն արդեն որոշված և ներկայացված է, իսկ 6-ի տեղադիրքերը կնտրվեն նախկինում անցկացված հորատանցքերի հրակից տարածքներում, հաշվի առնելով ջրային ռեսուրսի սանիտարական պահպանման գոտիները:

Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ երկրաբանական ուսումնասիրության ծրագրով նախատեսված աշխատանքների չեն ունենա բացասական ազդեցություններ շրջակա միջավայրի բաղադրիչների /հող, ջուր, օդ, կենսաբազմազանություն/ վրա, բացի որ դրանք փոքրածավալ են և ոչ զգալի ազդեցությամբ:



Հայտում ներկայացված բնապահպանական միջոցառումների և մոնիթորինգի գործողությունների իրականացման արդյունքում, հանքավայրի շահագործման ընթացքում աղտոտվածությունը օդային և ջրային ավազանների, հողային ռեսուրսների ինչպես նաև կենսաբազմազանության վրա կգտնվի թույլատրելի նորմերի սահմաններում:

Փորձաքննական պահանջներ

1. Աշխատանքներն իրականացնելիս անհրաժեշտ է առաջնորդվել ՀՀ ջրային օրենսգրքի 99-րդ հոդվածի և ՀՀ Կառավարության 20 հունվարի 2005 թվականի թիվ 64-Ն «Ջրաէկոհամակարգերի սանիտարական պահպանման, հոսքի ձևավորման, ստորերկրյա ջրերի պահպանման, ջրապահպան, էկոտոնի անօտարելի գոտիների տարածքների սահմանման չափորոշիչների մասին» որոշման պահանջները:

2. Հողի բերրի շերտի հեռացման և պահպանման հետ կապված միջոցառումներն իրականացվելու են ՀՀ Կառավարության 02.11.2017 թվականի թիվ 1404-Ն և 08.09.2011 թվականի թիվ 1396-Ն որոշումների պահանջներին համապատասխան:

3. Երկրաբանական ուսումնասիրության աշխատանքների ընթացքում անհրաժեշտ է առաջնորդվել ՀՀ Կառավարության 22 փետրվարի 2018թ. N 191-Ն որոշման պահանջներով՝ իրականացնելով նախնական գնահատման հայտով ամրագրված շրջակա միջավայրի բաղադրիչների /հողային ծածկույթ, մթնոլորտային օդ, մակերևութային և ստորերկրյա ջրեր, բուսական ծածկույթ և կենդանական աշխարհ/ մշտադիտարկումներ և արդյունքների եռամսյակային հաշվետվությունը նշված որոշմամբ սահմանված ժամկետներում և ձևաչափով ներկայացնել լիազոր մարմին:

4. Գործունեության իրականացման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացումը և դրանց ժամանակացույցերը:

5. Աշխատանքներն իրականացնելիս պահպանել առողջապահության նախարարի 2012 թվականի սեպտեմբերի 19-ի թիվ 15-Ն հրամանով հաստատված սանիտարական կանոնների և նորմերի պահանջները:

6. Համաձայն ՀՀ Կառավարության 2002 թվականի ապրիլի 20-ի N 438 որոշման 43-րդ կետի՝ «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմնին»:

ԵԶՐԱԿԱՑՈՒԹՅՈՒՆ

«ԷՆ ԷՌ ԷՄ (ՆԵՅԶՐԼ ՌԻՍՈՐՍ ՄԵՆԵԶՄԵՆԹ)» ՓԲ ընկերության Սյունիքի մարզի Դաստակերտի պղինձ-մոլիբդենային հանքավայրի պաշարների վերագնահատման նպատակով երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխ. մասնաճյուղի Սկրտչան

